

## De ioou veun-ti lo non Vatican ?

Deun lo vioù tén, lo Vatican l'euye lo non d'eun tsanti de Roma, di djé dret di *Tevere*, fran eun fase di Tsan de Mars é a drèite di *Gianicolo*.

Da premì l'euye eun poste maasàn é umeuido : to vâco, djeusto bon pe alí eun tsan.

Tchica de tén aprì, *Agrippina* l'a fi de dzén dzardeun de sisse croué vâco ba i fon de la couta.

Todzoo li pe lo Vatican, l'ampereur Nérón l'a fi feuye eun petchoù sirque privoù ; li dedeun son itoù tchoué le premì martire critchén, é euntre sisse n'ayé euncó l'apotre Piére que fran li l'é itoù eunterroù.

Dèi adón, si tsanti l'é vin-ì eun semetcheuyo tan pe le payén que pe le critchén, tanque i tén de l'ampereur Costanteun que, deun le-z-àn que van di 326 i 333 aprì Jézù Cri, l'a baillà odre de eumplan-ì la crita pe bâteui la premeuye eillize dédiatte a sén Piére.

L'é mèque dèi l'an 1870 que lo Vatican l'é la rézidanse di sén Peuye. I Moyén Adzo lli restaa deun lo Palé di Latrán é mèque pi taa s'é tramoù deun d'atre eumpourtante bâteuisse de Roma, comme lo *Quirinale*, que i dzoo de voueu l'é la rézidanse di prézi-dàn de la repebleucca italiéna.



lo gnalèi



Région Autonome  
**Vallée d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

### Tiré de :

[www.focus.it](http://www.focus.it), juin 2002

Texte publié en 2008 dans « Jovençan-Dzoençan » - Commune de Jovençan

Collaborateur de Jovençan pour la traduction : **Nathalie et Silvio Clos**

La transcription a été soignée par le Guichet Linguistique

Mise à jour de la graphie : octobre 2013